

## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 13. Omnes honorandos esse.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

uit. Quod autem dicitur: *Abraham nesciuit nos, & Israel ignorauit nos*, intelligitur de Abrahamo, tempore veteris testamenti, adhuc existente in Limbo PP. vbi sine peculiari reuelatione vtique nihil scire potuit eorum; quæ in terris gererentur; alia ratio est nunc, tempore noui testamenti, de eodem iam inter beatos in cælo degente, & de alijs Sanctis, qui in beatifica visione, & Deo, omnia vident, quæ desiderant videre. Itaque sine formidine eos possumus inuocare, facile intelligent, etsi à nobis procul distent, quæ ad eos vel loquendo, vel cogitando mittimus. Sic eos, & in illis Deum honoramus: est enim, vt S. Thomas docet, inuocare nihil aliud, quam aliquem in se vocare, per affectum, & deuotum cultum: quod vt fieret, voluit Deus, qui voluit Sanctis etiam hunc honorem tribuere, vt fineret eos secundarios apud se esse aduocatos; non quasi Christus non sufficeret, sed quod Christo ipsi quoque honorificum esset, si ad eum, eiusq; Patrem tales legatos mitteremus, quibus ipse vim impetrandi & meruisset, & honoris cauſa contulisset.

S. Thom  
in ep. ad  
Rom cap.  
10. lect. 2.

## §. XIII.

*Omnes honorandos esse.*

N

13. D.

**I Petr. 2.****37.****Rom. 12.****10.****S. Ambr.  
serm. 6.****Philip. 2.****3.**

13. D. Petrus deniq; quasi in compendiis scribit: *Omnes honorate;* & S. Paulus iubet nos esse honore inuicem præuenientes; sed præmittit, *charitate fraternitatis inuicem diligenter,* hoc est, φιλαδελφία, seu charitate fraterna. Quia omnes vnum patrem habemus **D I U M**, omnes in Christo fratres sumus omnibus ergo honorem, & charitatem fraternalm debemus, tantoq; magis, quanto fraternitas spiritualis perfectior est carnali, ait S. Ambrosius. Ad hunc honorem & amorem promouendum primitiæ Ecclesia Christiani se se omnes vocabant mutuò *fratres*, tamquam ex eodem patre Christo, atq; eadem matre Ecclesia oriundi. Nec satis est honorare fratres, sed honore etiam præueniendi sunt, vt quodammodo, dum certamus, quis alterū anteuerat, amorem tantò maiorem excitemus; sic subditus debet superiorem præuenire; & non est indecens, vt etiam superior præueniat inferiorē, tantoq; se magis demittat, exemplo Christi, quantò ipse maior est; enim uero potest & debet superior ipsum quoq; inferiorem suum tamquam superiorem honorare, si in eo Christum agnoscat; & non sua, sed alterius bona consideret. Vnde Apostolus ait: *in humilitate*

militate superiores sibi inuicem arbitrantes, non  
qua sua sunt singuli considerantes, sed ea, qua a-  
liorum. Ne, dum alter alteri se humiliat, in- S. Gregorius,  
quit S. Gregorius, humiliatio iret alteri in elationem. l. 34. Mo-  
tionem, bene utramque partem admonuit di- ral. c. 17.  
cens: Superiores sibi inuicem arbitrantes, ut in-  
e cogitationibus cordis, & ego mihi illum prafe-  
ratus, & vicissim ille me sibi: ut cum utraq; parte  
cor inferius premitur, nullus ex impenso honore  
sublenetur. Hinc intelligitur, quam indig-  
num sit facinus, contemnere illum, quem  
obligatus es honorare. Meritoque par pari  
refertur, & qui male dicit, male audit; ut  
eamdem mensuram recipiat, qui mala men-  
sura est usus. Vae, qui spernis, nonne & ipse sper- Isa. 33. 28  
nēris? cum fatigatus desieris contemnere, con-  
temnēris. Ita factum est ancillæ Agar, quæ, Gen. 16.  
quia concepisse se videns despexit dominā suam, 4.  
postea humiliata est sub manu illius. Ita Michol 2. Reg. 6.  
filia Saul prospiciens per fenestram, vidit regem 16.  
Danid sub silentem, atque saltantem coram Do-  
mino, & despexit eum in corde suo. Ideò Michol  
filia Saul non est natus filius usque ad diem mor-  
tis sue, Ita Rabsaces dux militiæ regis Assy- 4. Reg. 18.  
riorum, qui primùm de populo Dei, deinde 19.  
de ipso Deo contemptim locutus ita punitus  
est, ut vna nocte in castris eius Assyriorum.

*centum octoginta millia occiderentur ab An.*

**Ether. 3.** *gelo. Ita Aman Mardochæum despiciens,*

**4.**

*in ipso patibulo suspensus est, quod Mardo-*

**Luc. 18. 9.** *chæo exædificauit. Ita Pharisæus præ se hu-*

*milem Publicanum cæterosque homines*

*contemnens, tantum à Deo infra Publica-*

*num deiectus est, quantum supra eum se se*

*extulit. Adeò neminem decet aspernari, &*

*omnes, suo modo conuenit honorare, et si*

*non reuereri: et si enim superiores inferio-*

*res, immò & Deus homines honoret; non ta-*

*mē eos reueretur, cùm nomine reuerentia*

*submissio erga alterū, & agnitio tamquam*

*maioris intelligatur.*

#### S. XIV.

*Deum ante omnia colendum atq; honoran-*

*dum esse.*

14. Quod si omnes honorare oportet,  
ergo & D<sup>e</sup>V<sup>m</sup>, & quidem ante, ac supra  
omnes. Ille enim est parens, ille præceptor  
& doctor, ille senior quia æternus, ille ani-  
mæ nostræ sponsus, ille dominus, ille bene-  
factor; omnium rerum gnarus, ille nos vo-  
cat amicos suos, ille magistratus supremus,  
ille cui omnia sacra consecrantur, ille San-  
ctus Sanctorum. Habet ergo omnes titulos  
& causas honoris illi exhibendi, & gloriae

in